

Lauj Vangz dwg boux guenjroen ndeu. Hajcib bi nienzgeij miz samcib bi gunghlingz, cibhaj bi dangjlingz. Dingqgangj de dwg youq budui faenboiq daengz neix ne. Mboujguenj dwg gangj vah roxnaeuz dwg banh saeh, de cungj dwg bouxvunz saedsaeh ndeu.

Lauj Vangz vunz mbouj sang mbouj daemq, mbouj biz mbouj byom, fouqda gig miz saenz, aen naj de ndaemnding, fwngz de cocadcad, daj gijneix couh yawj ndaej rox de dwg bouxvunz sinhoj he.

Boux guenjroen couhdwg youq gwnz roen guhhong, ngoenzndit ngoenzfwn cungj aeu youq gwnz roen coih roen guhhong, sinhoj dangqmaz, ngaenz cienz youh ndaej noix. Vihneix gyoengq doengzsah lauj Vangz ciengzciengz damzbyoedbyoed. Lauj Vangz miz seiz nyaenx mbouj ndaej hix nam song coenz. Hoeng, gyoengqde roxnyinh hong shwgeij cungj aeu guh. Daedbid dwg lauj Vangz, de gangj noix guh lai, couh

sawcuenb dioj



yienghneix, ndaw sim de dauqfanj onjgywdgywd.

Lauj Vangz miz doiq lwg he, boux sai boux mbwk. Gung doiq lwg neix doeg sat dayoz, ndaw ranz cungj hoj liux lo. Vihneix, mehyah youq ranz guh hong reihnaz haenx, ciengzciengz dawz gij cienzhong lauj Vangz dauj okheiq, guhriu, ciengzseiz mbwnjbak dwk naeuz: “Di cienzhong mwngz neix mbouj gaeuq saek heuj bw !”

Nanzgvaiq mehyah mbwnjbak, gij souhaeuj ndawranz cujyau goenglauz

dwg de, dwg de ndaemcou, ndaemdoeng ndaej dauj haenx. Gij-neix lauj Vangz mbouj ndaej mbouj fug, moix baez gangj daengz ngaenzcienz, lauj Vangz youq dangqnaj mehyah cungj gangj vah mbouj miz rengz. Vih liux aeu naj ma, boux sai neix ciengz damzdingz dwk naeuz: “Soucou, soudoeng hix miz mbangj goenglauz gou ne!” Moix baez seizneix mehyah cungj mbouj oksing, aenvih lauj Vangz gangj ndaej doiq.

Danhvei liz ranz gyawj, lauj Vangz haet bae haemh dauq. Roengzban seiz-gan caeuq song ngoenz singhgiz seizgan, lauj Vangz caenhliengh bang mehyah guh hong reihnaz, couhcinj mbouj ndaej guh hong reihnaz, youq ranz guh

hongranz, hix dwg miz goenglauz. Caiq gangj, mehyah hix mbouj yungzheih, moix ngoenz daengngoenz ngamq ok couh riuj dingj haeux he ok dou, daengngoenz doek bya cij dauqma, haeuj dou seiz daengx ndang hanh dumz liux. Lauj Vangz yawj youq ndaw da, in youq ndaw sim, de cijndei caenhliengh bae bang mehyah guh hong.

Mehyah yienznaeuz mbouj gangj okbak, hoeng, de sim rox dungx nyinh, gvan de dwg bouxvunz youh gaenx youh rox gvansim vunz ndeu.

Mehyah dwg bouxvunz naengz-ganq he, ndaw ranz rog ranz de cungj guenjleix ndaej miz gyaеuј miz rieng, ngaenzcienz hix dwg de guenj, lienз gij cienzhong lauj Vangz deng de yawj siuj haenx hix deng de gaemdawz, moix ndwen cij ce 300 maenz hawj lauj Vangz cit ien caeuq lingzyungh, ndaw daeh lauj Vangz ciengzciengz “hoengqbebbeb”, hoeng, de mbouj miz coenzvah lawz, de roxnyinh ndaw ranz yungh cienz lai. Gung doiq lwg doeg dayoz sat le, ndaw ranz ngaenzcienz seuq lumj raemx swiq nei, cieп roengzdaеuј youh yaek rom cienz guh ranz moq, laebdaeb nyaengq ndaw nyaengq rog. Lauj Vangz ciengz youq dangqnaj mehyah naeuz: “Ciuh-vunz neix mbouj miz ngoenz lawz ndaej yietnaiq.”

(caengz sat)

fwen laeggiek

Beij Lienhcingz Gvej Hazriengh

割牛栏草情歌

Fangh Swlunz/方仕伦

Youq lajmbanj Vanzgyangh Yen, moix bi fid bwnh rienghvaiz liux le aeu gvej haz ma demh riengh, gyoengq bouxcoz mbwk sai gak mbanj couh guhdoih bae gwnzbo (Bo’ yiemh、Bo-nyouh) gvej haz, gyoengqde doq gvej haz doq ciengq fwen doxdaeuz.

Sai: Haetromh gwnz mbwn rongh dinggyang, Dawz liemz coq ndang gvej hazriengh; Byaij roen ndaej nuengx daengh beij ciengq, Cingj mwngz yax nyiengh gou saek coenz.

Hanzhaz fagliemz hwnj gyangbaq, Naet siengj vuenh mbaq miz nuengx bang; Haetromh gwnz mbwn rongh dinggyang, Dawz liemz coq ndang gvej hazriengh.

Roegciu guhdoih cix maengx ciuz,

Doxdaemx gwnzgiuz cix doxciengh; Byaij roen ndaej nuengx daengh beij ciengq, Cingj mwngz yax nyiengh gou saek coenz.

Mbwk: Gwed diuz hanzhaz bae gvej haz, Raeuz yienzfaenh na ndaej guhdoih; Roegenq fukndei cix baenz doiq, Caemh go gungh roix gou ndeimaez.

Ngoenzneix gwnzmbwn saedsaeh gvengq, Bae aeu hazriengh sangj dangqmaz; Gwed diuz hanzhaz bae gvej haz, Raeuz yienzfaenh na ndaej guhdoih.

Liemz raeв gaet haz cix ndaej riuz, Cax raeв raemj liu sing cix byoiq; Roegenq fukndei cix baenz doiq, Caemh go gungh roix gou ndeimaez.

(caengz sat)



Fungsou

Ciuqriengz gij cingsaenz cungh-yangh, Guengjsae daj byai ndwen 10 bi 1961 hwnj, youq daengx swcigih ndawde senj le 236 aen swngh-canjdui mbouj doengz yiengh haenx dangguh diemjsawq yungh swngh-canjdui guh danvih haedsuenq goekgaen haenx, gij swnghcanjdui camgya gij sawqdiemj neix, vunzlai guh hong ngoenz haengjheiq gvaq ngoenz.

Doengzbi ndwen 11, Veiz Goz-cingh youh daengz Dwngzsiengz Gunghse guh mbat diucaz moq ndeu. Aen gunghse neix Fuzliengz Dadui Daih 7 Swngcanjdui guh dwg aen danvih haedsuenq goekgaen ndeu. Daengx dui miz 44 boux vunz-guhhong, gaxgonq cijmiz dingz vunz ndeu okhong; seizneix bouxboux cungj okhong lo; gaxgonq cuengq yiuz hoi ndeu, 8 boux vunz aeu guh 3 ngoenz, seizneix ngoenz ndeu couh

guh liux lo. Gunghse lingh aen diemjsawq dwg Dadui Byaseiceij Daih 3 Swnghcanjdui, mwhnduj dajsuenq youq seizdoeng ndaem 5 moux lwgmaenz, seizneix gaij ndaem 10 moux, mwhnduj dajsuenq ndaem haeuxmegsamgaeu 12 moux, seizneix gaij ndaem 20 moux; yienzlaiz mbouj dajsuenq ndaem byaekheu, seizneix gaenq doenghfwngz ndaem ndaej 4 moux. Seyenz naeuz: “Yungh swnghcanjdui dauj guh aen danvih

haedsuenq, daj neix doxbae miz ngaiz gwn lo.”

Bi 1962 ndwen 2, Cunghgung Cunghyangh cingqsik fat ok 《Gij Cijsi Gvendaengz Gaijbienq Gij Vwndiz Danvih Haedsuenq Goekgaen Yinzminz Gunghse Lajmbanj Haenx》 le, Guengjsae doq bujben saedhengz yungh swnghcanjdui guh aen danvih haedsuenq cungj sojyoujci cizdij samgaep neix.

Neix dwg youh diuzcingj gij

gvanhaeh swnghcanj yinzminz gunghse lajmbanj mbat haenq ndeu, niuj-cingq le mbangj loengloek “cojgingj” yinzminz gunghse. Ginggvaq baez diuzcingj neix, gij danvih haedsuenq goekgaen daengx swcigih youz yienzlaiz 3 fanh lai aen demgya daengz 28 fanh lai aen, swnghcanjdui itbuen dwg 20 hoh ranz、35 boux vunzguh hong baedauq, daihdaj caeuq aen hozcozse swnghcanj hong-nazreih doxlumj.

(caengz sat)

Veiz Gozcingh Sangcieng Cawj-guenj Guengjsae Ngeihcib Bi

韦国清上将主政广西二十年

Hoz Saubangj sij Cinz Siengzcouh Liuz Gingliuj Cinz Siengzgen hoiz

guh liux lo. Gunghse lingh aen diemjsawq dwg Dadui Byaseiceij Daih 3 Swnghcanjdui, mwhnduj dajsuenq youq seizdoeng ndaem 5 moux lwgmaenz, seizneix gaij ndaem 10 moux, mwhnduj dajsuenq ndaem haeuxmegsamgaeu 12 moux, seizneix gaij ndaem 20 moux; yienzlaiz mbouj dajsuenq ndaem byaekheu, seizneix gaenq doenghfwngz ndaem ndaej 4 moux. Seyenz naeuz: “Yungh swnghcanjdui dauj guh aen danvih

haedsuenq, daj neix doxbae miz ngaiz gwn lo.”

Bi 1962 ndwen 2, Cunghgung Cunghyangh cingqsik fat ok 《Gij Cijsi Gvendaengz Gaijbienq Gij Vwndiz Danvih Haedsuenq Goekgaen Yinzminz Gunghse Lajmbanj Haenx》 le, Guengjsae doq bujben saedhengz yungh swnghcanjdui guh aen danvih haedsuenq cungj sojyoujci cizdij samgaep neix.

Neix dwg youh diuzcingj gij

gvanhaeh swnghcanj yinzminz gunghse lajmbanj mbat haenq ndeu, niuj-cingq le mbangj loengloek “cojgingj” yinzminz gunghse. Ginggvaq baez diuzcingj neix, gij danvih haedsuenq goekgaen daengx swcigih youz yienzlaiz 3 fanh lai aen demgya daengz 28 fanh lai aen, swnghcanjdui itbuen dwg 20 hoh ranz、35 boux vunzguh hong baedauq, daihdaj caeuq aen hozcozse swnghcanj hong-nazreih doxlumj.

(caengz sat)